

Հրատարակ. Յոբէլեանկան Կարգադիր Յանձնաժողովի


Նոր-Ջուղայի ԱԶԳ. ԹԱՏՐՈՆԸ

1888 - 1913

25-ՆՄԵՆՑ ՅՈՐԵԼԵՆԻ ԱԹԻԻ

Խմբագրեց

ՅԻԳՐԱՆ Բ. ԱՐԿԱՐԵԱՆՑ



ՆՈՐ—ՋՈՒԴԱ.

Տպարան Ամենափրկչեան Ա. Վանաց
1913


Նոր-Զուղայի ԱԶԳ. ԹԱՏՐՈՆԸ

1888 - 1913

25 - ԱՄԵՐԻԿԱՅԻ ՅՈՐԵԼԵՆԻ ԱՌԹԻՒ

Խմբագրեց

ՏԻԳՐԱՆ Թ. ԱՐԴԱՐԵԱՆՑ



ՆՈՐ — ԶՈՒՂԱ.

Տպարան Ամենափրկչեան Ս. Վանազ
1913


ՀԱՅԱՍՏԱՆԻ ԳԶԱՐ

1888-1913

ՀԱՅԱՍՏԱՆԻ ԳԶԱՐԻ ԳԻՏԱԿԱՆ ԿԵՆՏՐՈՆ

ԵՐԵՎԱՆ

ՀԱՅԱՍՏԱՆԻ ԳԶԱՐԻ ԿԵՆՏՐՈՆ



ԳԶԱՐԻ ԿԵՆՏՐՈՆ

ՀԱՅԱՍՏԱՆԻ ԳԶԱՐԻ ԿԵՆՏՐՈՆԻ ԿԵՆՏՐՈՆ

1913

ՆՈՐ — ԶՈՐԱՆՈՒ

ԱԶԳԱՅԻՆ ՓԱՏՏՈՆԸ



1888 թուականն էր, ուղիղ 25 տա-
րի առաջ, երբ Նոր—Զուգա-
յում շրջաբերում

էր հետեւեալ կոչը և հանգանակութիւն կատարուած հիմք
դնելու մի ազգային թատրոնի:

«Յայտարարութիւն

« Առ ազգասէր հասարակութիւն Նոր—Զուգայի.

« Նկատելով որ ինչպէս վարժարանն ամենայն ազգի
« յառաջադիմութեան առաջին նպատակն է, նոյնպէս ես
« թատրոնն իւր բազմօգուտ լաւութիւններով երիտասար-
« դաց սրտերին վառ աշխոյժ և դալար մտքերին խրատա-
« կան և կրթական դասեր տալով՝ նոցա բարոյականն կազ-
« նուարնէ ազնիւ զգացմամբ և կրօնորդութ՝ լուսաւորութեան
« ճանապարհի վերայ կանոնաւոր քայլեր փոխելու Ահա այս
« է պատճառն, որ լուսաւորեալն Եւրոպա ազգաց լուսաւո-
« րութեան պայմաններէց որպէս դպրոցն և լրագիրն՝ նոյն-
« պէս և թատրոնն յառաջադիմութեան նպատակ ունենալով
« է, թատրերգակ վիպասաններ քաջալերելով և նոցա անունն
« և համբաւն աշխարհիս վերայ հռչակելով՝ Յիւրաւի Ռուսա-
« հայ և Տաճկահայ և մինչև անգամ Պարսկահայ միւս քաղաքաց
« ազգայինք քաջ ուշիմութեամբ Եւրոպացոց բարենպաստակ
« շաւղին հետեւելով օրըստօրէ յառաջադիմում են արտակից
« միաբանութեամբ և եռանդով:

« Բայց մեք Զուղայու հալ երիտասարդքս եւ որ
« նոցա ազգակիրց եմք, միթէ ամօթ է մեզ նոցա յառա-
« ջադիմական գործերին հետեիմք: Ուստի մենք ստո-
« ռագրեալ խոնարհ երիտասարդքս արդէն միացած փափագ
« ունիմք տեղս մի «Թաքեցալ սն ակումբ» հաստատել, մի-
« միայն թէ Ձեր քաջալերութեանն եւ յորդորանաց եմք կա-
« բօռ, անխափան դուք պէտք է մեզ օգնէք ինչ եղանակաւ
« որ կարող էք, բայց ըստ որում նպատակ ունիմք առաջիկայ
« Զատկական օրերում առաջին թատրոնն ներկայացնել տեղ-
« ւոյս Կեդրոնական դպրոցի հոյակապ Դահլիճում, ան-
« շուշտ կարևոր ծախք եւ պիտոյ է նախապատրաստութեան
« համար: Ուստի սոյն յայտարարութիւնն Ձեր Ազգասիրա-
« կան զգայմանց ներկայացնելով խնդրում ենք զի բարե-
« հաճիք մեզ քաջալերել զրամական օգնութեամբ ես»:

Ի նոր—Զուղա 1888

16—28 Մարտ

ամի Տեառն

« Մէլքում Մարգարեան (sehorke)
« Մայիլ Ս. Եսայեանց (գանձապահ)
« Յարութիւն Տէր Կարապետ (աւետա-
« դպիր)
« Պօղոս Զ. Մարտիրոսեան (խորհրդատու)
« Աստուածատուր Սարգսեան (,,) »:

Այսպիսով հանգանակում է 551 ղռան եւ կազմում է
« օրոգների մի խումբ, որ Ազգ. Կեդրոնական դպրոցի դահ-
« լիճումն մի շարժական ընմ է սարքում եւ նախնական կո-
« ըրքները հոգալով մի քանի պատմական պիեսներ եւ վօ-
« գրվիւներ ներկայացնում:

Սիրողները հասարակութեանն աւելի եւ գրաւելու եւ
« ներկայացումները հետաքրքրական դարձնելու նպատակով,
« ըրել են տալիս Կառավարութեան զինւորական երաժշտա-
« խումբը միջարարներին նուագելու:

1890 թուին ժամանում է Նոր—Ջուղա նորինտիր
թեմակալ առաջնորդ Եսայի արք-եպս. Աստուածատրեանը,
որ ի թիւս մի շարք բարեմասնութիւնների, ունենում է մի
օտարոտի հայեացք, նա սկզբունքով դէմ է լինում թատ-
րոնի, որով և պատճառ դառնում ներկայացման դադար-
ման և յիշեալ խմբի քայքայման:



Եօթն երկար տարիներ այլևս ոչ մի ներկայացում տե-
ղի չէ ունենում մինչև 1897 թուի սկզբները, երբ Ազգ.
երկօեւ դպրոցների հոգաբարձական և ուսուցչական կազ-
մը ձեռք է առնում նաև թատերական գործը և մի քանի
ներկայացումներ տալիս յօգուտ նոյն դպրոցների: Այս ժա-
մանակաշրջանի թատրոնի յարատևութիւնը գլխաւորապէս
կախուած է լինում նախ պ. Յովսէփ Ղազարեանից, ապա
պ. Սկրտում Կարապետեանից:



1899 թուի Նոյեմբերի 11-ին մի խումբ երիտասարդների նախաձեռնութեամբ առաջին անգամ կազմուած է հետեւեալ 16 յօդուածներից բաղկացած կանոնադրութեամբ մի մնալուն Թատերասիրաց Ընկերութիւն:

Ա. Նոր-Ջուղայի Թատերասիրաց Ընկերութեան նպատակն է կանոնաւոր և պարբերական ներկայացումներով նիւթապէս օգնել երկսեռ դպրոցներին և տեղական բարեգործական Ընկերութիւններին:

Բ. Թատերասիրաց խումբը պէտք է բաղկացած լինի երկու ժողովներից — Ընդհանուր և վարչական:

Գ. Բոլոր հիմնադիր անդամները համարուած են Ընդհանուր ժողովի անդամներ:

Դ. Ընդհանուր ժողովը պէտք է ունենայ առանձին նախագահ և քարտուղար, որոնք ընտրուած են կամ գաղտնի քուէարկութեամբ և կամ ձայնից առաւելութեամբ:

Ե. Տարին երկու անգամ Ընդհանուր ժողովը նիստ կունենայ քննելու վարչական ժողովի հաշիւները և գործունէութիւնը:

Զ. Ընդհանուր ժողովը վարչութեան հաշիւները քննելու համար ընտրուած է երկու անձինք, որոնք վեց ամիսը մի անգամ քննելով հաշիւները, ներկայացնելու են Ընդհանուր ժողովին:

Է. Ընդհանուր ժողովը Թատերական գործերը վարելու համար ընտրուած է վեց հոգուց բաղկացած մի վարչութիւն, որոնք իրենց մէջ բաժանելու են նախագահութեան, գանձապահութեան, քարտուղարութեան և ուրիշ պաշտօններ:

Ը. Ընդհանուր և վարչական ժողովների պաշտօնավարները ընտրուած են երկու տարի ժամանակով:

Թ. Ընտրուած վարչութեան պարտականութիւնն

է աշխատել ներկայացումները դարձնել պարբերական
և կանոնաւոր, հոգալ բեմական անհրաժեշտ պարա-
գաները— պիեսներ, զգեստներ, աթուռներ և այլն և
բաժանել դերերը:

Ժ. Վարչութեան որոշումները թէ գերեր և թէ
պաշտօններ որոշելու գործում պարտաւորեցուցիչ են
ամենքի համար:

Ժա. Զուտ արգիւնքի տասներորդ մասը իբրև ան-
ձեռնմխելի գումար մնալու է թատերասիրաց դրամ-
արկղում:

Ժբ. Ներկայացումներից գոյացած գուտ արգիւնքի
տասներորդ մասը ապահովելուց յետոյ, խումբը պար-
տական է մնացած գումարի կէս մասը յանձնել Ազգ.
երկսեռ դպրոցների Հոգաբարձութեան, իսկ մնացած
կէսը մնալու է թատերասիրաց խմբի դրամարկղում:

Ժգ. Թատերասիրաց դրամարկղում մնացած գումա-
րից խումբը պարտաւոր է ըստ իւր հայեցողութեան
նպաստներ հասցնել տեղական ազգային բարեգործա-
կան ընկերութիւններին:

Ժդ. Թատերասիրաց խմբին անդամակցել ցանկացող-
ները պարտաւոր են մի տարի ծառայել նոյն խմբում
իբրև օժանդակ ոյժ, որից յետոյ կընդունուեն անգամ,
եթէ ընդհանուր ժողովը յարմար դատէ:

Ժե. Ընկերութեան անդամներից ո՛չ ոք բացի խմբի
նախաձեռնութեամբ տրուած ներկայացումներից, իրա-
ւունք չունի ուրիշ ներկայացումների մասնակցել,
կամ ներկայացումներ տալ: Բացի աշակերտական ներ-
կայացումներից և մանկական երեկոյթներից, որոնց
եկամուտներն էլ պէտք է կիսուին ըստ Ժբ. կանո-
նադրութեան:

Ժզ. Թատերասիրաց խումբը քայքայուած դէպքում,
ընկերութեան բոլոր իրերը և դրամն մնալու են Ազգ.
երկսեռ դպրոցներին:

Ընկերութիւնը ունենում է իր վարչական մարմինը բաղկացած հետևեալ անդամներից:

Նախագահ՝	պ. Մկր. Կարապետեան
Քարտուղար՝	» Տիգրան Թ. Աբգարեանց
Գանձապահ՝	» Ներսէս Տէր Գ. Տէր Յարութիւնեան
Խորհրդատու՝	» Յար. Յորդանանեանց
»	» Մկրտիչ Ս. Յարութիւնեան
»	» Սարգիս Մ. Սարգսեան:

Վարչութեան առաջին գործն է լինում աշխատել մի քանի օրիորդների բեմ դուրս բերել և մի անգամ ընդ միշտ վերջ տալ տղաներին կանացի զգեստներով դեր կատարելու նախկին տգեղ սովորութեանը: Ծագում է ահագին աղմուկ, հանդէս են գալիս մութ ոյժեր, տեղում են անցենզօր հայհոյանք ու սպառնալիք: Վերջապէս խնդիրը հասնում է Հոգեւոր Իշխանութեան: Թեմական առաջնորդ Մաղաքիա եպիսկոպոսը դիմում է Ս. Էջմիածին, որպէսզի այնտեղից շնորհուած հրահանգի համաձայն ընթանայ: Վեհ. Խրիմեանից ստացւում է այսպիսի մի պատասխան, որ եթէ ներկայացուելիք պիեսները հակակրօնական բնոյթ չեն կրել, թոյլատրուի կանանց սեռին ևս մասնակցելու:

Սինչ այս, մինչ այն, վարչութիւնը ոչ մի ջանք ու աշխատանք չը խնայելով և ոչ մի դժուարութեան ու սպառնալիքի առաջ կանգ չառնելով, յաջողում է համոզել օր. Ովսաննա Սիմէօնեանին, օր. Ծաղիկ Մինասեանին և օր. Լուսաբեր Տէր Յակովբեանին, որոնք բարոյական քաջութիւն են ունենում, հակառակ փողոցային զանազան պատգամներին ու նկատողութիւններին, բեմ դուրս գալ և Նոր-Ջուղայի Ազգ. Թատրոնի անդրանիկ դերասանուհիները դառնալ:

Ներկայացուելու էր Սոււնդուկեանցի «Պէպօն» արարատեան աշխարհաբարի վերածուած: Վարչութիւնը Շուշանի, Կէկէլի և Էփէմիայի դերերը յանձնելով վերոյիշեալ օրիորդներին, միւս դերերն ևս անմիջապէս բաժանում է

և սկսում փորձերը:

Սակայն այսքանով դեռ չի վերջանում խնդիրը: Այժմ սկսածը չընթանալու չէ, համար հարկաւոր է լինում թախանձել օրիորդների ծնողներին ու ազգականներին, սպառնալ ցուցարարներին, ձեռք բերել ազդեցիկ մարդկանց միջնորդութիւնը, փորձի գիշերները անձամբ գնալ հրաւիրել թաղապետին որպէս վկայ, կուլիսների ետևում նստեցնել մայրերին և ի լրումն ամենայնի, ներկայացման գիշերը հառավարութիւնից ֆառուաշներ բերել ապահովութեան համար: Իսկ այս բոլորը միմիայն այն պատճառով, որ պէտք է երեք օրիորդներ բեմ դուրս գային, պէտք է խաղացուէր «Պէպօն»:

Անշուշտ, հիմա որ բեմի վրայ երևում են մի խումբ սիրող դերասանուհիներ, ծիծաղելի կը թուայ վերոյիշեալ պատմութիւնը, սակայն իրողութիւն է և այսօրուան մեր տեսածը մի դափնեայ պտակ է, որին նոր—Ջուղայի Թատրոնը արժանացել է բազմաթիւ խոչընդոտների յաղթութեամբ դիմադրելուց յետոյ:

Իգական սեռից բեմ բարձրացնելու հետ միասին, վարչութիւնը յաջողեցնում և առաջին անգամ ներկայացնում է նաև մի պարսկերէն վոդվիլ, մի ձեռնարկ, որ դեռ երկրորդը չի ունեցել մինչև օրս:

Յետոյ, որպէսզի վարչութիւնը ապագայում տրուելիք ներկայացումներին որոշ չափով պակաս աթոռներ մուրալու հարկադրուի, հանգանակութիւն է բաց անում և գոյացած գումարից պատրաստում վերապահեալ և առաջին կարգերի համար տասն հատ բազմոցներ:

Ս'ի քանի ներկայացումներից յետոյ, սառնութիւն ծագելով անդամների մէջ, ընկերութիւնը հետզհետէ քայքայւում է:



1900 թուի Օգոստոսի 12-ին վերակազմում է Թատերասիրաց Ընկերութիւնը և դրւում Ազգ. երկսէռ դրպրոցների Հոգաբարձութեան Հովանաւորութեան ներքոյ, հետեւեալ ութն պայմաններով:

ա. Ընկերութիւնը պարտաւոր է առաջին տարին 50, իսկ յետոյ 100 թուման յանձնել Ազգ. երկսէռ դպրոցներին:

բ. Ներկայացումներից գոյացած զուտ արդիւնքից դպրոցներին խոստացուած տուրքը վճարելուց յետոյ, մնացածը պարտաւոր է ընդհանուր ժողովի որոշմամբ յատկացնել այս կամ այն ազգային—բարեգործական հաստատութեան:

գ. Ընկերութիւնը ունենալու է հինգ հոգուց բաղկացած մի գործադիր Յանձնաժողով:

դ. Պիեսի ընտրութիւնը լինում է Հոգաբարձութեան հաճութեամբ և վաւերացմամբ:

ե. Յանձնաժողովին է թողնուած տոմսակների գների որոշումը:

զ. Տոմսակ և յայտարարութիւն տպագրելու, վաճառելու, ինչպէս և բուժէտի, հիւրընկալների և այլն կարգադրութիւնը լինում է Յանձնաժողովի և Հոգաբարձութեան խառն ժողովով:

է. Նոր անդամի ընդունելութիւնը կատարւում է Հոգաբարձութեան միջոցով և Յանձնաժողովի որոշմամբ:

ը. Սոյն կանոններին խափան հանդիսացող անդամը արտաքսւում է ընկերութիւնից:

Յանձնաժողովի անդամներ են ընտրւում.

Նախագահ՝	պ. Գ. Պապեան
Քարսուդար՝	» Տիգրան Թ. Աբգարեանց
Գանձապահ՝	» Ներսէս Տէր Գ. Տէր Յարութիւնեան

Նորհրդաւոր՝	{	» Մկր. Կարապետեան
		» Ս. Մ. Սարգիս:

Այս շրջանի ներկայացումներին իրենց շնորհալի խաղերով առանձին զարկ են տալիս Նոր—Ջուղայի Թատրոնին Պապեան ամուսինները, որոնց հեռանալովն էլ խումբը գրում է:



Այնուհետև մի առ ժամանակ Թատրոնը իր գոյութիւնը պահպանում է Ուսուցչական խմբի նախաձեռնութեամբ տրուած ներկայացումներով: Սրանց մէջ առաջին տեղն է բռնում Կանանց Բարեգործական Ընկերութեան օգտին տրուած «Ռուզան» ի ներկայացումը, որի առթիւ նոյն ընկերութիւնը բաւականաչափ զգեստների հետ միասին նուիրում է բեմին և 30 թումանի արժողութեամբ մի վարագոյր:



1905 թ. Դեկտ. 19-ին երկրորդ անգամ վերակազմ-
ւում է Թատերասիրաց Ընկերութիւնը հետեւեալ 15 յօդ-
ուածներէից բաղկացած կանոնադրութեամբ:

Ա. Թատերասիրաց Ընկերութեան նպատակն է
պարբերական ներկայացումներով բարոյապէս և նիւ-
թապէս նպաստել Նոր—Ջուղայի բարեգործական ըն-
կերութիւններին:

Բ. Թատ. Ընկ. բաղկացած է լինում գերասանական
և երաժշտական խմբերէից:

Գ. Թատ. Ընկ. պէտք է հոգայ բեմի զարգացման
և երաժշտական գործիքներ աւելացնելու մասին:

Դ. Թատ. Ընկ. ունենում է վեց հոգուց բաղկացած
մի վարչական մարմին—նախագահ, քարտուղար, գան-
ձապահ և երեք խորհրդատու անդամներ:

Ե. Թատ. Ընկ. բացի վարչական մարմնից, ունենում
է մի ռէժիսոր, մի խմբապետ (երաժշտ.) մի յուշարար
և մի հանդերձապահ:

Զ. Պաշտօնավարութիւնը տեւելու է մէկ տարի:

Է. Թատ. Ընկ. իրաւունք ունի տարեկան երկու
ներկայացում տալ յօգուտ բեմին:

Ղ. Բարեգործական ընկերութիւնների և խմբերի
համար տրուած ամեն մի ներկայացման և երեկոյթի
գուտ հասոյթից 15% յատկացրելում է յօգուտ Թատ. Ընկ.:

Ք. Թատ. Ընկ. իրաւունք չունի առանց յարգելի
պատճառի մերժել որեւէ խմբի կամ ընկերութեան ներ-
կայացում տալու ցանկութիւնը:

Ժ. Ամեն մի խումբ կամ ընկերութիւն պէտք է
մի ներկայացումից տասն օր յետոյ յայտնէ Թատ.
Ընկ. վարչութեանը՝ իր ցանկութիւնը մի որեւէ ներ-
կայացում տալու:

ժա. Պիեսի ընտրութիւնը, ինչպէս և ներկայացման իսկական օրուայ որոշումը թողնուում է Թատ. Ընկ.

Ժբ. Թատ. Ընկ. վարչութիւնը 20 թումանից աւելի ծախսելու գէպքում, պէտք է յայտնէ Թատ. Ընկերութեան ընդհանուր ժողովին:

Ժգ. Բացի դերասան — դերասանուհիներից և երաժշտասէրներից, միւս անդամ-անդամուհիների մուտքը տուժաւով է լինելու:

Ժդ. Թատ. Ընկ. անդամների թիւը չի սահմանափակուում:

Ժե. Թատ. Ընկ. կանոնադրութիւնը փոփոխելի է: Վարչական մարմինը կազմուում է այսպէս.

Նախագահ՝	պ. Արմենակ Յարութիւնեան
Քարտուղար՝	» Տիգրան Թ. Աբգարեանց
Գանձապահ՝	» Նիկայա Պետրոսեան
Խորհրդատու՝	» Մկր. Կարապետեան
	» Կ. Արեանց
	» Պողոս Մ. Շուքուրեանց:

Սոյն վարչութիւնն իր պաշտօնավարութեան ընթացքում ընդարձակում և վերանորոգում է բեմը շարժական սեղաններով և նոր կուլիսներով:

Ի նկատի ունենալով թատրոնի սեպհական աթոռ նստարանների պակասութիւնը և այդ պատճառով ծաղած անվերջ դժգոհութիւններն ու անախորժութիւնները, պատրաստում է 50 հատ նոր աթոռներ:

Երաժշտական խումբը մի պատշաճ տեղում նուագելու և դերակատարներին չխանգարելու համար, ծածկում է բեմի առաստաղը (որ մինչև այդ ժամանակը կտորներով էր ծածկուում), որով մի կողմից երաժշտական խմբին է դիւրութիւն տրւում՝ առանձին տեղ յատկացնելով, իսկ միւս կողմից դերակատարների ձայնը ցրուելու առաջն որոշ չափով առնուում:

Աչքի տուաջ ունենալով տեղի սահաւուլթիւնը և ապագայում օթեակներ պատրաստելու անհրաժեշտութիւնը, բեմի յանդիմանի կողմում աւելացնում է մի երկրորդ վերնայարկ:

Յիշեալ ծախքերը թեթեացնելու նպատակով դիմում է հանգանակութեան և հաւաքում է 104 թումանաչափ մի գումար:

Վարչութեան գանձապահ պ. Նիկոլա Պետրոսեանը նկարել է տալիս և նուիրում Թատրոնին գեղարուեստական մի իւղաներկ վարագոյր:

Այս շրջանի ներկայացումները ղեկավարում է պ. Արմենակ Յարութիւնեանը:



1907 թ. Փետր. 15-ին ընդհանուր ժողովով փոփոխութեան է ենթարկուում թէ ընկերութեան կանոնադրութիւնը և թէ վարչութեան կազմը:

Մշակուում է հետևեալ 12 յօդուածներից բաղկացած կանոնադրութիւնը:

ա. Նոր-Ջուղայի Թատերասիրաց Ընկերութեան նպատակն է պարբերական ներկայացումներով բարոյապէս և նիւթապէս նպաստել Նոր-Ջուղայի բարեգործական և կրթական հաստատութիւններին:

բ. Թատերասիրաց Ընկ. ունենում է իր դերասանական և երաժշտական խմբերը:

գ. Թատ. Ընկ. պէտք է հոգայ բեմի զարգացման և երաժշտական գործիքներ օւնեցանելու մասին:

դ. Թատ. Ընկ. ունենում է ութն հոգուց բաղկացած մի վարչական մարմին:

ե. Թատ. Ընկ. բացի վարչական մարմնից, ունենում է մի ռէժիսոր, մի խմբապետ (երաժշտ.), մի յուշարար և մի հանդերձապահ:

զ. Թատ. Ընկ. վարչութիւնը պարտքով գործ կատարելու իրաւունք չունի:

է. Բացի դերասաններից և երաժշտական խմբի անդամներից, միւս անդամ-անդամուհիների մուտքը տոմսակով է լինելու:

ը. Թատ. Ընկ. անդամների թիւը չի սահմանափակուում:

թ. Ռէժիսորի և պիեսի ընտրութիւնը, ներկայացման ժամանակը, ինչ հաստատութեան համար ներկայացում տալը, ներկայացման արդիւնքի պէս-պէս գործադրութիւնը, ինչպէս և այն բոլորը որ վերաբերում է Թատրոնին, թողնել միանգամայն վարչութեան տրամադրութեան և բարեհայեցողութեան:

ժ. Թատ. Ընկ. պիտի մնայ զուտ արդիւնք 50%:

ժա. Թատ. Ընկ. իւրաքանչիւր անգամը պիտի տաւրեկան 3 ղուան նպաստ տայ ընկերութեան:

Ժբ. Թատ. Ընկ. նոր անդամ գրւողները պէտք է
գիմեն վարչութեան:

Վարչութեան անդամներ են ընտրուում.

Նախագահ՝	պ.	Ներսէս Տէր Յարութիւնեան
Քարտուղար՝	»	Տիգրան Թ. Աբգարեանց
Գանձապահ՝	»	Նիկալա Պետրոսեան
Ծախսարար՝	»	Պօղոս Մ. Շուքուրեանց
Խորհրդատու՝	{	» Յար. Յորդանանեանց
		» Եսայի Արզումանեանց
		» Հ. Տէր Պ. Յակովբջանեանց
		» Կ. Աբեանց:


Սոյն վարչութիւնը իր երկրորդ չիստում կայացնում է
այսպիսի մի որոշում. «Փոխանակ զանազան խմբերի և հաս-
տատութիւնների օգտին ներկայացումներ տալու, այսուհե-
տե տրուին միմիայն յանուն Թատերասիրաց ընկերութեան,
իսկ տարուալ վերջը տպկոսի վերածելով հաւաքուած զուտ
արդիւնքը բաժանել հետեւեալ ձևով:

Անձեռնմխելի գումար Թատ. Ընկ.	50/0
Բեմի օգտին	200/0
Ազգ. երկսեռ դպրոցներին	200/0
Կանանց Բարեգործական Ընկ.	200/0
Հայկական հարցին	200/0
Ս. Կատարինեան ազգ. Որբանոցին	100/0
Բաժնի ընթերցարանին	100/0

Ծանօթ. Անձեռնմխելի 50/0 պէտք է համարուի որպէս ծախս:

Այս ծրագրով էլ ընթանում է մի առ ժամանակ,
մինչև որ Նոր—Ջուղայում ծագած մի ներքին պառակտ-
ման պատճառով՝ վարչութիւնը կազմալուծուած է և Թա-
տերական գործը կանգ առնում:

1907 թ. Հոկտեմբերի 5-ին պարոնայք Արմենակ Յա-
րութիւնեան, Արամ Յովսէփեան, Տրդատ Աբգարեանց,
Յովսէփեան Լարախանեան և Պօղոս Շուքուրեան ընդհա-
նուր ժողովով ընտրուում են նոր վարչութիւն, սակայն տի-
րոյ անախարժ դրութեան շնորհիւ՝ սրանց ևս չի յաջող-
ւում մի գործ անել: Իսկ երբեմնակի ներկայացումներ
տրւում են Պետուցչական խմբի նախաձեռնութեամբ:



1908 թ. Մայիսի 29-ին Նոր—Ջուղայի Ս. Կատարի-
նեան օրիորդաց դպրոցի 50-ամեայ յոբելեանի առթիւ դըպ-
րոցական կազմը տ. Մ. Աղանուրի մասնակցութեամբ տալիս
է առաջին կօնսէրտը և յաջորդ գիշերը ներկայացնում Սոււ-
բաստովի «Իււաճանսութիւն» յայտնի դրաման, որ իր ճոխ
պատրաստութեան կողմից Նոր—Ջուղայում մինչ օրս աըը-
ւած ներկայացումների ամենաշքեղն կարելի է համարել:



Ս. Կատ. Օրիորդաց դպրոցի լոբելեանի տութիւ կազմակերպւում է Նոր—Ջուղայում «Գրական-Կրթական» անունով մի ընկերութիւն, որի նպատակն է լինում նպաստել Ջուղայի և Պարսկաստանի հայաբնակ գիւղերի լուսաւորութեան գործին:

Ընկերութիւնն իր նիւթական միջոցների զարգացման համեմատ՝ ի միջի այլոց նպաստում է նաև Նոր—Ջուղայի Թաւերական գործին և կազմակերպում ներկայացումներ: Քայքայուած Թատերասիրաց Ընկերութիւնն ևս ձուլւում է սոյն Գրական-Կրթ. Ընկերութեան հետ:

Թատերական—Երաժշտական գործն աւելի հաստատուն հիմքերի վրայ դնելու և պարբերական ներկայացումներին աւելի կանոնաւոր ընթացք տալու նպատակով, Գրակ. Կրթ. Ընկ. վարչութիւնը իր միջից ընտրում է պարոնայք Հ. Տէր Պ. Յակովբջանեանցին, Տիգրան Թ. Աբգարեանցին, Արմենակ Յարութիւնեանին և Մկր. Կարապետեանին, որպէս մասնախումբ թատերական գործի:

Ներկայացումներին, բուֆէտի գործը մի անգամ ընդ միշտ դնում է Կանանց Բարեգործական Ընկերութեան տրամադրութեան ներքոյ և եկամուտը բոլորովին թողնում նրանց, որպէս մի կողմից նպաստ նույն ընկերութեան, իսկ միւս կողմից փոխադարձ աջակցութիւն այն բանի համար, որ Կանանց ընկ. վարչութիւնը ևս աշխատի միշտ դերասանուհիներ գտնել ներկայացման գործը զլուխ բերելու:

Ամեն մի ներկայացման զանազան դերասանուհիներին աղաչանք-պաղատանքով դեր տալու զգուելի սովորութեանն վերջ տալու նպատակով, Գրական-Կրթ. ընկ. մասնակցող և օժանդակող տիկիններից և օրիորդներից մի ժողով է գումարում և ընտրում օր. Վարդուհի Խաչիկեանին, օր. Իշ-

խանուհի Զօհրաբեանին, օր. Դստրիկ Դաւթեանին և օր.
Ծովինար Վարդանեանին, սրպէս օժանդակ մասնախումբ
Թատերական գործի ընդհանրապէս և դերասանուհիների
մասին հոգացող մասնաւորապէս:

1910 թուին. քայքայւում է Գրական-Կրթական Ընկե-
րութիւնը և այնուհետև ներկայացումները զլուխ են բեր-
ւում զանազան ընկերութիւնների և խմբերի նախաձեռնու-
թեամբ:

Այս շրջանում, բացի ներկայացումներից, տրւում են
նաև պարերեկոյթներ և աւելի յաճախ կօնսերտներ, վեր-
ջիններիս մէջ իր ջուլթակի նուագով աչքի է ընկնում պ.
Արմ. Գերասիմեան:



Նոր—Ջուղայի բեմի վրայ սկզբից սինչել մեր օրերը
խաղացուել են հետեւեալ պիեսները:

— ❧ (1888—1913) ❧ —

Ո շ ք ե ր գ ու լ ի ն ի ւ ր ր ա Տ ու .

№

- 1 — Մեծն Ներսէս
- 2 — Տաճկական խոստմունք
- 3 — Շուշանիկ
- 4 — Արշակ Բ. — Նարպէյի
- 5 — Նուիրական սիրոյ զոհեր } Մկր. Կարապետեանի
- 6 — Ծնողատէր որդիք }
- 7 — Սասունի կոտորածը }
- 8 — Արայ գեղեցիկ
- 9 — Պէպո — Սունդուկեանի
- 10 — Ժընէվիէվ — փոխադր. Մկր. Կարապետեանի
- 11 — Սև հողեր — Դուրեանի
- 12 — Ասլան Բալասի — Աբովեանի
- 13 — Թագի համար — Ֆր. Կոպպէի
- 14 — Ռուզան — Մուրացանի
- 15 — Էլի մէկ զոհ — Սունդուկեանի
- 16 — Պատուի համար — Շիրվանզադէի
- 17 — Անիի աւերումը — Դուրեանի
- 18 — Փուչ զաւակ — Ղարաջեանի
- 19 — Ոճրադործի ընտանիքը
- 20 — Վեշետիկի վաճառականը — Շէքսպիրի (անգլ. լեզուով)
- 21 — Դաւաճանութիւն — Սումբատովի
- 22 — Ժայռ — Վ. Փափաջեանի
- 23 — Վերաշնուածը — Լ. Մանուէլեանի
- 24 — Մարւող ճրագներ — Աբէլեանի
- 25 — Եւգինէ — Շիրվանզադէի

- 24 — Վայրենի
 25 — Էս էլ քեզ երկու հարիւր հազար
 26 — Պընչ և Զիւգի — (անգլ. լեզուով)
 27 — Արեւելեան ատամնաբոյժ — Պարոնեանի
 28 — Շաւառապետ — Շիրվանզադէի
 29 — Կեղծ բժիշկ — Ֆիլիքիւնգի (անգլ. լեզուով)
 30 — Առաջարկութիւն — Չեխովի
 31 — Սօնալի նշանդրէքը
 32 — Կանաչի ցանցառութիւն — Շչեգլովի

Ծանօթ.

ա) Մանկական թատերախաղերը չեն լիշուած ցուցակի մէջ որպէս պիեսներ:

բ.) Յիշուած պիեսներից մեծ մասը մէկ կամ երկու անգամ կրկնուել են. այնպէս որ Նոր—Ջուղայի Ազգ. Թատրոնում 25 տարուայ ընթացքում տրուել են ընդամենը 94 ներկայացումներ:





Թատրոնի սկզբնաւորութեան հետ միասին հիմք է դրւում և երաժշտութեան:

1880-ական թնւականների ներկայացումներին, երբեմն բերել են տալիս Կառավարութեան երաժշտախումբը միջարարներին նուագելու: Անյաջող դէպքում բե-

մի առաջը դնում են մի Musical - box և լարում նուագելու:

1897 թուին ուսուցիչ պ. Մկրտում Կարապետեանը հաւաքում է մի խումբ աշակերտներ և սովորեցնում նրանց բերանի սուրնցով երաժշտութեան եղանակներ հանել, որի հետ միացնելով թմբուկ, ծնծղանքը ու զանգակ, դուրս է բերում երաժշտութեան մի նմանողութիւն — imitation:

Անճանօթների համար այս կեղծիքը երկար ժամանակ մնում է որպէս հանելուկ, որովհետեւ բեմի վրայ վարադայրի ետևում է նուագւում և հեռուից նուագւող երաժշտութեան ձայնի նմանւում:

Զայնը մի աստիճան զօրեղացնելու համար, խմբի ղեկավարը պապիրոսի թղթեր է դնել տալիս ստներին վրայ և շրթունքներին դէմ պահելով սուրել տալիս: Հետզհետեւ աւելացնում է նաև մի «սանթուր» և մի «քօնսէրտինա»: Այսպիսով Թատրոնը ունենում է կեղծ երաժիշտների մի մշտական խումբ և մի միջոց հէնց այսպէս էլ կառավարւում:

1899 թուին Գերմանացի պ. Էմիլ Հէլդբերը (մօր կողմից հայ և ծնուած Նոր-Ջուղայում), որ բաւական լալող ջութակահար էր և Ա.զգ. Թատրոնի համակրողներից մէկը, հաւաքելով իր շուրջը մի խումբ սիրողներ, կազմում է «String-band» անունով ջութակահարների մի խումբ,

որի գործիքները Թատերասիրաց ընկերութիւնից հոգալով, իսկ ղեկավարութիւնը, ինչպէս և սովորեցնելու ամբողջ հոգան իր վրայ վերցնելով, կարճ միջոցում պատրաստում է այնպիսի մի խումբ, որ կարողանում է այնուհետև տրուած ներկայացումներին իր ղեկավարութեամբ նուագելով, մինչ իսկ Եւրոպացի հանգիստականներին զարմանք պատճառել: Այ. Հէլդգըրի Եւրոպա գնալովը քայքայւում է և խումբը:

1906 թուին վերակազմւում է պ. Մկր. Կարապետեանի խումբը և այս անգամ՝ նուագարաններով: Նախկին գործիքներին աւելացրւում են թառ, երգեհոն, ջութակ և ֆլէյտա: Այս խումբը նախկինի հետ համեմատած, անշուշտ յառաջագիմական մի մեծ քայլ էր արւում:

1907 թուին պ. Բարսեղ Տէր Գ. Բազիլը Եւրոպայից բերել է տալիս երկու կօրնէտ և երկու քլարիօնէտ և նուիրում վերոյիշեալ խմբին:

1908 թուին պ. Յորգանան Տէր. Կ. Յորգանանեանցը Ջաւայի Սօէրաբայա քաղաքում գտնւող Նոր—Ջուղայեցիների շրջանում հանգանակութիւն բաց անելով, հաւաքում և ուղարկում է 14 տնգլ. սլօնդաչափ մի գումար, որով անմիջապէս բերել են տալիս մի քանի նոր գործիքներ և ճոխացնում խումբը:


Նոյն նպատակով, Նոր—Ջուղայում ևս խմբապետ պ. Մկր. Կարապետեանի ձեռքով 50 թումանաչափ գումար է հանգանակւում և գործիքներ աւելացրւում: Օգնում է և Գրական—Կրթական ընկերութիւնը:

Նոր գործիքների շնորհիւ բարենորոգւում է խումբը, սակայն սիրողների մեծամասնութեան անվերջ կապրիզների պատճառով գործը միշտ կաղում է:

1909 թուին Ազգ. երկսեռ դպրոցների Մանկավարժական Խորհրդի որոշմամբ ու կարգադրութեամբ Երաժշտութիւնը մտցրւում է դպրոցի առարկաների թւում և նոր սիրողներ հաւաքւում բացառապէս Ազգ. Կեդրոնական դպրոցի աշակերտներին:

1912 թուին պարոնայք Մայիլ և Մարտիրոս Ս. Եսա-
յեանները 250 թուման և Դր. Ռանդօլֆը 10 թուման են
նուիրում Երաժշտական խմբին: Սոյն գումարներով բերել
են տրւում մի քանի նոր գործիքներ և ճոխացնում խումբը:

Այսպէս Նոր—Ջուղայի Ազգ. Թատրոնի Երաժշտու-
թեան գործը ինչպէս մի մանուկ դողդոջուն քայլերով
սկսելով իր կեանքը, ժամանակի ընթացքում կամաց կամաց
աճում, բարգաւաճում է և հաստատուն հիմքերի վրայ
դրւում, կազմւում է փողաւոր գործիքների վրայ նուագող
այժմեան կանոնաւոր և մշտական երաժշտախումբը, որ
բոլոր ներկայացումներին և դպրոցական ու աղգային հան-
դէսներին նուագում է և հետզհետէ աւելի ու աւելի
կատարելագործւում:



Յ Ո Ւ Ե Լ Ե Ա Ն

Ներկայ թուականի Մարտի 10-ին պ. Մայիլ Ս. Եսայանի և պ. Արմ. Գերասիմեանի նախաձեռնութեամբ և հրաւէրով Գ. Քանանեան դպրոցի գահլիճում գումարուում է Նոր—Ձուղայի բեմին այս կամ այն ձևով մասնակցողներին քաղկացած մի ժողով, տօնելու Նոր—Ձուղայի Ազգ. Թատրոնի 25-ամեայ յօբելեանը:

Կարգադիր յանձնաժողովի անդամներ են ընտրուում պ. Մայիլ Ս. Եսայան, պ. Արմ. Գերասիմեան, պ. Արմենակ Յարութիւնեան, պ. Մկր. Կարապետեան, պ. Տիգրան Թ. Աբգարեան, պ. Յովհաննէս Տէր-Կիւրեղեան, պ. Ալէքսան Աբրահամեան և պ. Սամուէլ Նահապետեան:

Կարգադիր Յանձնաժողովն իր նիստերում որոշում է.

1) — Տպագրուած կոչով հրաւէր կարգալ ամեն կողմ գտնուող Նոր—Ձուղայեցիներին ընդհանրապէս և Թատրոնին մասնակցողներին մասնաւորապէս, յորդորելով նրանց մասնակցելու իրենց ծննդավայրի այս համեստ յօբելեանին:

2) — Յօբելեանական հանգէսը ըստ կարելոյն շքեղ տօնելու համար, Ձուղայում դիմել հանգանակութեան:

3) — Հնդկաստանի նշանաւոր քաղաքներում գործակալներ նշանակել և նրանց միջոցով հանգանակութիւն կատարել այնտեղ:

4) — Եթէ նիւթական միջոցները ներեն, աշխատել կառուցանելու մի առանձին թատերական շէնք, և ազատել Ազգ. Կեդր. դպրոցը մի շարք անյարմարութիւններից:

5) — Յօբելեանական հանգէսը կատարել երկու գիշեր, առաջին գիշերը ունենալով գրական—երգեցողական—երաժշտական մասը, իսկ երկրորդ գիշերը ներկայացում:

6) — Պատրաստել Ազգ. Թատրոնի սոյն փոքրիկ պատմութիւնը և տպագրելով՝ յօրելեանի օրը ձրիապէս ցրել հատրակութեան:



Տօնում ենք Նոր—Ջուղայի Ազգային Թատրոնի 25-ամեայ յօրելեանը, հաստրակութեան մտաւոր զարգացման և գեղարուեստի ծաղկման յօրելեանը: Տօնում ենք այն ամբիոնի գոյութեան յօրելեանը, որտեղից մի քառորդ դար, կարճատեւ ընդմիջումներով, միշտ քարոզուել է բարւոյ և գեղեցկի գաղափարը: Սակայն ցաւօք սրտի պէտք է նկատել, որ Թատրոնը Ջուղայում դեռ իր կոչման համապատասխան բարձրութեան վրայ չէ կանգնած, դեռ ոչ իր կրթիչ նշանակութիւնն է ձեռք բերել և ոչ էլ ժողովրդի համար պահանջ դարձել: Միութարական այն է, որ ունի իր մնայուն և հաստատուն բեմը Ազգ. Կեդրոնական դպրոցի դահլիճում, սեպհական ամօռնատարանները, բեմական անհրաժեշտ իրերը և երաժշտական խումբը:





ՅՈՒՆԵՍԿՈ

ԸՌԹԻՒ

ԲԱԺԱՆԻՈՒՄ Ե ԶԻՒ